

Na osnovu člana 16. stav 2. Zakona o Vladi Zeničko – dobojskog kantona – Prečišćen tekst (“Službene novine Zeničko-dobojskog kantona”, broj: 7/10 i 3/23), člana 13. stav 4. Zakona o cestama Federacije Bosne i Hercegovine („Službene novine Federacije BiH“, broj: 12/10, 16/10 i 66/13) i Programa utroška budžetskih sredstava za realizaciju projekata iz oblasti cestovne infrastrukture Zeničko-dobojskog kantona za 2023. godinu, broj. 02-11-7518/23 od 10.05.2023. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na sjednici 31. održanoj dana 14.06.2024. godine, d o n o s i

ODLUKU

o prijenosu izvršenih ulaganja iz Programa utroška budžetskih sredstava za realizaciju projekata iz oblasti cestovne infrastrukture Zeničko-dobojskog kantona za 2023. godinu

Član 1.

(Predmet odluke)

Odobrava se prijenos vrijednosti izvršenih ulaganja na sanaciji priključne saobraćajnice na regionalnu cestu R 445 Nemila-Zenica i regulaciji odvodnje ispod podvožnjaka na lokalitetu Nemila, iz Program utroška budžetskih sredstava za realizaciju projekata iz oblasti cestovne infrastrukture Zeničko-dobojskog kantona za 2023. godinu, broj: 02-11-7518/23 od 10.05.2023. godine, u ukupnom iznosu od 141.018,15 KM (Slovima. Stotinučetdesetjednahiljadaosamnaest i 15/100 konvertibilnih maraka), sa Implementatora projekta, Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline, na krajnjeg korisnika Grad Zenica na upravljanje i održavanje.

Član 2.

(Način knjiženja)

(1) Ulaganja utvrđena u članu 1. ove Odluke bit će isknjižena iz knjigovodstvene evidencije Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline, nakon što se donese posebna Odluka o isknjižavanju vrijednosti ulaganja u tuđa stalna sredstva.

(2) Grad Zenica se zadužuje da izvrši knjigovodstveno evidentiranje, dalje upravljanje i održavanje navedenih ulaganja iz člana 1. Ove odluke.

Član 3.

(Provođenje Odluke)

Za realizaciju ove Odluke zadužuju se Ministarstvo za prostorno uređenje, promet i komunikacije i zaštitu okoline, Kantonalna direkcija za ceste, Ministarstvo finansija i Grad Zenica kao krajnji korisnik, svako u okviru svoje nadležnosti.

Član 4.

(Stupanje na snagu)

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-11252/24

Datum, 14.06.2024. godine

Zenica

PREMIJER

Nezir Pivić

DOSTAVLJENO:

1 x Ministarstvo za prostorno uređenje, promet i komunikacije i zaštitu okoline,
1x Kantonalna direkcija za ceste,
1x Ministarstvo finansija,
1x Grad Zenica, putem Ministarstva,
1x „Službene novine Zeničko-dobojskog kantona“,

1x a/a.